

陳迦陵文集

八

蘇子知

PDG

湖海樓詩集卷六

宜興陳維崧其年著

長洲宋實穎既亭

丹徒張玉書素存

選

秀水彭孫適美門

山陽李 鎧公凱

戊午

張爾成先生招同白仲調家緯雲弟燈下賞菊次日

作長句奉謝兼柬令嗣子淑孝廉

長安九月西風襲蘆溝木葉羣蕭騷
捷關頓苦客懷惡過市頗厭人聲
蹄無何眉端溢黃色少頃戶外喧松
濤打門忽送赫蹏至快若背癢逢爬
搔野人一生負花癖先生百

弟

維岳緯雲

叅閱

宗石子萬

男履端

校

姪 伊

代推人豪評事詩才扛鼎風

謂仲

小季吟興凌猿猱

謂緯雲

賢郎英發更淡穩丰骨颯爽空吾曹

謂子淑

是時霜院最幽

靚漸覺暝色紛週遭風枝烟萼秀而整明鋌軟慢低還高
幾叢廊後極向背萬朶燭下呈纖毫先生笑勸松花醪謂
客且復持雙螯君不見昨年羽書獻西極王師一戰收臨
洮又不見今年樓船掠南詔猛將十道搜哀牢殿前上書
悉嚴助闕下獻頌多王褒太平幸藉君相致芻輓忍久農
畋勞諸君努力須題糕不爾浮拍仍餽糟好花良夜不長
得莫信喔喔雞三號

寄贈園次

是歲園次六十

湖州刺史蘓州客聞苑仙吏來塵凡青山綠水舊官長漫
郎聲叟新階街當時一麾遂出守鉏耨稂莠工爬芟狂溪

詎肯受束縛梁極乃或叢譏譏倔強竟下考功第嘯傲便
脫朝堂衫姑胥崎麗美無度使君跌宕誰能豎屋頭洞庭
雪皜皜籬角鄧尉花慘慘血色羅裙閣阮咸邏迤作柄黃
金嵌雄蠶雌蜨夜啁晰雛鶯乳燕晨呢喃千杯已見笑眼
纈七字忽破歌喉緘先生興發不暇嬾突若快馬追磨麋
花妖月祟乞摹畫烟魂雨魄愁雕鐫今年翹材大闢館斧
鑿澗壑求楠杉班張崔蔡滿車載翻令此老淹空巖先生
仲冬正六十蓴羹竹醢調酸醎高吟鳳毛迭賡唱爛醉蠻
素爭扶攬我今久滯薊城北作詩遠附江東函遙憐勝侶
色先悵更憶故國涎尤饒細梅小受玉手摘碧鱸恰待霜
碓剉願沽雙斗雪淅酒亟挂半幅烟江帆

王敬哉先生招飲兼枉贈詩卽次原韻二首

頽洞商飈動早涼西山爽氣入華堂吳羹細糝鱸腮滑官
焙輕分鳳餅香花外幾人知往事菊前何日不重陽年年
海鶴精神健料理牙籤麗錦綳

其二

忽聞入破唱伊涼回憶曾經到後堂新竹放梢牆已過古
苔成蔓屐尤香飛騰敢附燕山隊嬾漫終歸楚水陽不爲
街杯情興劇羨公挿架總青綳

王大司馬胥庭先生招飲怡園同陸翼王鄧孝威毛
大可田髯淵朱錫鬯李武曾周次修分賦

九州饒園圃與府首京洛秦晉太莽蒼吳越極秀弱恭惟
帝王都地脈大包絡鴻蒙相蕩涵溟滓恣旁魄陰陽爲洪
爐元氣佐鼓橐風紫吼漁陽天青洗魏博煌煌宛平公森

真鬱盤礴兩世躋六卿一門近五柞前年拜樞密隻手運
輶畧已聞翦羆貍亟欲徙鯨鯢憑軾禮單寒卷帳麾褒鄂
老謀陣魚鳥餘興及猿鶴觀其措置間一一非苟作烟霞
歸部曲沙石就鑱鑿入門草色淨壓架竹光薄捫蘿歷厓
屨剝蘚穿确砢偃樹仰尻雕缺崖豁齷齪有木盡離披無
峯不拏攫數折迴踰恒千盤倏非昨遂從羣山巔了了見
簾箔紺壁裊迴廊華飈蕩深幕欄前極疎放軒後最開拓
曲室庋琴尊周廬匝鈴索朱堂哭崔巍頽館倍的灼揖客
萃袿裾張筵展諧謔維時九月暮菊瘦弄餘萼雜沓方圓
陳飛騰羽觴錯雪葩映駝羹銀匙滑羊酪拒妝紅旋酥旗
槍翠初淪主人語坐客小築意有託吾父太保公遐齡壽
平格當其壯健時愛踏登山屨朝眠潭柘寺晚飯來青閣

頻歲休杖屨不欲煩腰脚山游悵莫遂似負平生諾所以
營丘園於焉代巖壑兒孫互灌花鄰叟共行藥娛親聊復
爾詎屑鬪粉堊語罷客離立四座色寂寞仁親公所敦曾
閔古誰作洛陽諸苑囿一往掃秋籜想彼締造初竟欲吞
寥廓豪只通賓客鄙或縱聲樂何如此怡園淳意發渾噩
酒酣俯絕澗光景益駭愕其下百丈寬其上十仞削莫輕
燃犀照怕現魚龍惡更顧坐客語此月泉源涸儻逢春夏
交谷簾灑瓔珞銀床樹杪懸素練窓中落豈惟垂綸釣直
可移船泊嘉陵詎不如斜川或相若衆賓聞言喜我亦起
雀躍遂復踐坡陀旋爲渡畧約丹樓忽天半華棖耀城郭
翻身使之高飛步躡鳥鵲憑欄絕叫跳脫帽縱狂喙皇州
但一氣彩翠走廣漠霜黃三殿瓦曦赤千門鑰瞳矐飛廉

鐘翁絕觚稜爵西山稍霧霾未肯便綽約餘皆色態呈競
炫腰身各吾生遭泥塗百事受拘縛茲游實快意譬望屠
門嚼獨恨日下春預愁街沸柝驢黑騎馬去秋燈睡難着
何時風中琴再就林間酌翻羨作園官爲公把鉏耰

曹玉淵有綠水送春帆之句賦贈二絕

十幅蠻箋色勝銀東阿才思又清新如何綠水春帆好只
闕詩名不載人

其二

撲來陌上紅千斛夢去溪頭翠一函不分曹郎太相惱見
人騎馬說春帆

李岷瞻以素蘭索詩走筆爲作長句

李侯一生擅竒作洮雲隴水爭新鮮險勢直可懾百怪猛

氣竟欲空三邊我生萬事總粗醜腕內有鬼愁雕鏡近來
筆力苦奇鈍復有塵坌來縈牽打門誰送紙一束幅幅滑
若春籬烟我詩既劣字更拙春蛇秋蚓紛糾纏巧牆疥壁
尚不可矧敢汚汝松花牋長安臘盡后土凍皮肉皸瘃形
拘攣故鄉梅樹漸着葢日夜想像無由還聞君卧疴我亦
爾正少秀句供流傳數朝料有六花墮玉龍嬾情風爲鞭
豪情苦受寒餓減俗胃恰須冰雪滿此時得句定相訪看
我雪後詩狂顛

送黃俞邨南歸

時聞太夫人訃

萬事復何道君今如此歸行藏無一是忠孝愴俱違久識
浮名誤翻悲讀古非前途多北雪切莫灑麻衣

羅太公新祀鄉賢詩以紀事

侍御振羹先生王父

言從石頭城偶經石頭寺其旁祠一區其境更幽邃修壑
鬱盤陀流泉映清泚入門便肅穆起我嚴憚意四顧劇清
蒼萬象絕纖媚父老爲我言歷歷有次第吾鄉羅太公積
德極醇摯作人愛謹潔挽俗厭澆僞生平大節夥覲縷未
遑記昨過螺南巷居人話遺事一夕太公歸月明人薄醉
路逢誰何人捐軀徇詎諄太公亟援手腐骼復生哉炯然
急難心豁達露造次以此概其餘良足發溪喟我聞古祀
典原不繫名位今甲闡幽光祇爲風末季邇來浸濫觴俎
豆亦希冀烝嘗鬼詎饗貪冒天所忌必如我太公悅服到
童穉九州修里社惟此曰無愧再傳挺侍御凜凜廊廟器
河流泝其源葛藟念所庇我爲一再拜桓碑兀矗曩殘照
入祠堂悠然滴空翠

壽益都相國馮易齋先生七十

朝回銀燭散紅牆上相懸弧晝錦堂壽極平臨輝大樹沙
堤直築傍長楊九霄袞舄心偏赤五夜鹽梅髮已蒼聞道
薦賢頻補牘每承天語夜琅琅

其二

益都舊是青齊地東望蓬萊水勢渾一縷青纔生大海五
更紅已射朝曦從來嶽瀆關元老坐使夔龍翊至尊好待
普天銷戰鼓留侯辟穀莫輕論

其三

郭外毳毼萬柳強新成相國午橋莊
脰衍峭壁凌飛動颯沓盤渦逼混茫
分得堂餐時餉鶴繙來閣帖更添香
參霄戰壑材何限砌下孫枝盡棟梁

其四

曾從閣下吐車茵自愧中宵叩角人
位極公孤心轉細
緣疎賤感尤真只憐客善題鸚鵡
始信朝須養鳳麟
此日一尊剛介壽
長安煖律已回春

送宋牧仲員外出權輓關

毘盧閣前西日昏
高粱橋下寒河渾
北風吼雪雪大作
半捲不捲紅旗翻
此時別我向何處
得毋奉使通樓煩
自從羽書暗江介
黑雲濁浪砰江豚
須臾七閩鏑逆節
俄頃百粵收強藩
賤錢寶布蔽江下
鸞帆洋船連檣奔
憑誰算緡佐國計
仗汝監稅克泉源
此行甚壯極忼慨
只我惜別頻煩
冤身雖吳人過宋
久十年僦屋梁王
園君家本號丞相
後才大目短曹劉
垣角鷹會獵雪爪
競快馬斫陣霜蹄
掀

姚黃大者推金盆邀我說餅城東村擣薹抑鮓檀方法研

箏摘阮精討論北里小部白翎雀西苑老輩康崑崙十雙

絳熾欺朝暎茸衫熨得檀槽溫在旁劉毅能知狀謂山是

夜徐摘也斷覓謂恭人生歡樂會有極一鞭又出垓澤門

君上天邊跨黃鵠我歸田畔騎烏犍我家箬嶺藝茶竹其

俗瓦市陶甌靡釣魚射鴨擬終老山翁溪友時枉存今年

一事大難料強策跛驚追駢駢長安俗薄屢推罵僅獲君

輩來寒暄誰令君復別我去此後那肯相爲言男兒百事

不掛臆只愛舊雨交攀援玲瓏久散龜年老隔年事已成

開元我今縱有送君曲曲調不覺攪巴猿章江花月亦大

好素馨價或低山簪對花酌酒儻相憶早覓魚素隨潺湲

上大司寇蓼翁宋老夫子五言古詩一百二十韻

兩儀代網緼圓穹逋迴幹山川積德刑嶽竇配英傑堂堂
宋夫子落落超門閥家有伏生經床留魏公笏炯然一寸
腸忠孝互盤鬱儀觀擅峻整丰度挺砥礪弱冠躋藝林聲
名走吳越許與必老蒼提攀總僑肸摛詞極深穩臨文最
縝密擺落輦悅言力存正始骨羣兒競雕鐫鉛槧日搢搢
公方用深意頗若有不屑釋屣踐玉堂翔步登金闕屢擢
領清華歷官參密勿升朝三十載矢與膏脂絕天子稔清
貧羣公愛謹索講易闡義文經邦弘稷契烏臺肅綱紀禮
闡芟軋茁生平憂國疏一一霄漢揭薄海病瘡痍羣方苦
苞蘖有劄盛一囊剔燭細繙閱平明趨殿陛只欲陳顛末
每聆天語褒要俾臣衷竭龍飛我

世祖謳歌徧溟渤

今皇仁孝思詔許官僚述羣臣銜命退握管競惕怵祗緣
功德高翻慮言辭拙公拜再薰沐覃精務掇截單詞歸鄭
重軼事總詳晰慘淡繪天心縱橫穿月窟九重頻嗟咨五
夜親甲乙乃於衆作中獨用一人筆須臾園陵上蒼然屹
碑碣蚴蟻翠螭盤黻黻卿雲霽此皆關掌故件繫在史帙
上者銀管編次亦石匱編惟餘家庭事他人或未悉而我
屢深知忍使就湮沒前明遺末造國步日以蹶忼慨先中
丞艱難擁旄鉞是日哭登陴於焉怒衝髮陰風助悲號陣
馬羣嗚咽大呼誰強起屢鼓難成列倉皇裂甲裳感奮握
符節透爪并穿齧屠腸復灑血遂令營丘城愁雲慘膠結
嗚呼稠濁世忠義誰剖別宮寺燭玄黃朝堂沸檮杌可憐
騎箕後輾轉橫誣讟冷落張睢陽淒涼段秀實公年十七

八憤氣填寥濶誓捐七尺軀生挽高堂訣間關抵輦下瞻
昧眊白日弱肉付灰釘如飴甘刺剗觀其訟父書字字吐
酸切至今淚點殷晶熒蹟難湮誰將袂不祥此幅卽桃茹
縱令巖壑錮還召風雷掣當時交動色異類亦吐舌旁觀
諸老成私許瑚璉質君親詎異理家國原合轍從來至性
人足補綱常缺今始歟斯言益信百不失三荆盡凌雲小
季尤雋逸頻年上計偕比歲纏疾疾形骸漸黑瘦氣息僅
綿悵公聞搶地呼小草悔一出奈何同生人坐見翬飛瞥
無何接惡耗沉痛欲引决豈期骨肉親歡愛從此畢家書
旦以至潞河夕以發帆檣恨滯滯川路限超忽翻身上鞍
馬决計棄舟柁僮僕不克追妻孥詎遑挈其月正炎燄長
途更蹶躄扶桑焦渴烏腸谷鑠層鐵早行歷三舍晚飯破

數驛入門呼子敬當暑悲風颺心摧玉樹埋冤斷金刀折
卽此敦友于可以覘貽厥公家好男子嘒嘒若冰雪排空
鬣開張千里期一抹我公鄙躁進式訓勉謙吉隱囊玉塵
柄渠是他家物何心慕貂蟬蓄志安蓬蓽我生畏貴人延
之語良達尋常執袴態此事須洗刷所以諸賢郎持盈鮮
驕溢定識高門間底事煩著揲嗟予一鴈鷄於世若蠛蠓
何年鷹離韝終日蟻營垤賦性旣疎庸作人復坦率才因
貧賤退老受饑寒聒一身類人奴萬事同苟活豈無雲霄
輦頗欲相煦沫譬如隴山禽憫彼樊笈絀相憐過則已一
徃興已輟公雖慎交游然亦多入室何緣華嶽胸乃不忘
一撮今年下明詔內外交薦拔我公夙昔心因之遂觸撥
竟將微賤名直向聖人說予生已遲暮近狀倍蹉跎飛揚